



## KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: [www.kwp.gov.my](http://www.kwp.gov.my)

# SIARAN MEDIA

## UNTUK LIPUTAN MEDIA MASSA

### 1,000 ASNAF BANDAR TUN RAZAK TERIMA SUMBANGAN PROGRAM NUR RAMADAN WILAYAH PERSEKUTUAN

**KUALA LUMPUR, 31 Jun 2017** – Kementerian Wilayah Persekutuan (KWP) dan Dewan Bandaraya Kuala Lumpur (DBKL) bersama-sama komuniti Bandar Tun Razak pada hari ini di Program Nur Ramadan WP di Masjid Saidina Othman Ibn Affan dalam mengimarahkan bulan Ramadan Al-Mubarak.

2. Program Nur Ramadan Wilayah Persekutuan yang telah dilaksanakan sejak tahun 2010 merupakan program tahunan KWP dalam usaha mengeratkan silaturrahim antara pihak kerajaan dengan komuniti Wilayah Persekutuan Kuala Lumpur. Objektif utama pengajuran program ini adalah untuk memperkuuh dan memperkayakan interaksi antara pihak KWP dan DBKL dengan warga kota dalam menerapkan nilai rasa kasih sayang dan prihatin khususnya kepada golongan susah dan mereka yang kurang berkemampuan.

3. Program Nur Ramadan ini akan diadakan di 13 Parlimen WP Kuala Lumpur, Putrajaya dan Labuan melibatkan 9,000 orang asnaf, anak-anak yatim, warga emas, ibu tunggal, OKU dan mereka yang kurang berkemampuan. Masing-masing akan menerima sumbangan wang tunai RM150.00 setiap seorang sumbangan Majlis Agama Islam Wilayah Persekutuan (MAIWP) melalui Baitulmal. Setiap penerima sumbangan ini juga turut menerima 10 kilo beras dan 2 kilo gula sumbangan Yayasan Al Bukhary. Manakala, setiap masjid/surau yang terlibat dengan program Nur Ramadan WP ini menerima sumbangan wang tunai RM30,000.00 dari Yayasan Wilayah Persekutuan bagi tujuan menaiktaraf kemudahan dan keperluan masjid. Kerjasama strategik KWP dengan pihak MAIWP, Yayasan Al Bukhary, dan Yayasan Wilayah Persekutuan bagi

Program Nur Ramadan Wilayah Persekutuan ini adalah selaras dengan dasar kerajaan dalam melaksanakan *National Blue Ocean Strategy* (NBOS).

4. Adalah diharapkan 1,000 orang asnaf penerima sumbangan Nur Ramadan WP pada hari ini dapat menggunakan sumbangan tersebut dalam menjalani kehidupan Harian terutamanya di bulan Ramadan Al-Mubarak ini. Program Nur Ramadan ini dapat memberi impak yang besar dalam penglibatan rakyat secara umum serta memberi peluang kepada komuniti untuk menyertai setiap aktiviti dan program yang dianjurkan oleh pihak kerajaan menerusi Pusat-Pusat Khidmat Masyarakat di Wilayah Persekutuan. Ini seterusnya dapat mencetuskan semangat muhibbah antara masyarakat dan melahirkan rasa bersyukur kepada Allah S.W.T terhadap nikmatNya di bulan Ramadan yang mulia ini.

**Disediakan oleh:**

Bahagian Komunikasi Korporat  
Kementerian Wilayah Persekutuan  
Bandar Tun Razak, KL

31 Mei 2017